



Nuuk, 4. januar 2016

Inatsisartut suleriaasianni § 37 naapertorlugu apeqquteqaatit imaattut naalackersuisunut ingerlatippakka.

(Inatsisartuni ilaasortaq Sara Olsvig, Inuit Ataqatigiit)

### Apeqqutit:

- 1) Naalackersuisut augustimi 2012-mi "Danskit naalackersuisui Naalackersuisullu Naalagaaffiit Peqatigiinni silap pissusia pillugu isumaqatigiissut pillugu nunat tamalaat isumaqatiginninniarnernut suleqatigiinnissamut isumaqatigiisummik" atsiugaat sulit atuuppa?
- 2) Naalackersuisut danskillu naalackersuisuisa COP21-mut atatillugu isumaqatiginninniarnernut atatillugu Nunatsinnut qanoq anguniagaqarpat?
- 3) Nunarsuaq tamakkerlugu silap kissakkiartuaarnerata 2 gradet ataallugit taamaallaat qaffannissaa isumaqatiginninniarnerni periusersamut ilaatinneqarpa imaluunniit allanik anguniagaqartoqarpa?
- 4) Sooq nunat inoqqaavisa pisinnaatitaaffii pillugit pituttuisumik allassimasoqannginnera isumaqatigiisummik iluarisimaarinninnginnermut tunngavilersuutigineqarpa?
- 5) Naalackersuisut danskillu naalackersuisuisa nunat inoqqaavisa pisinnaatitaaffii pillugit pituttuisumik allassimasoqarnissaa Nunatta inissisimanera qulakkeerumallugu anguniagarisimagaluarpaat?
- 6) Taama issimappat taava sooq piumasaqaat sakkortunerusumik attanneqanngila?
- 7) Parisimilu isumaqatigiissut ilumut Nunatsinnut taama ajornartorsiortitsisussaasimappat, taava sooq Naalackersuisut plan B-qarsimangillat?
- 8) Naalackersuisut nalunaaruteqarput Nunatta silap pissusia pillugu isumaqatigiinnermut peqataassanersoq maanna isumaliutigineqartariaqartoq. Peqataanermi iluaqtissat ajoqtissallu qanoq nalilersorneqarpat?
- 9) Nunat tamalaat akornanni oqaluttuarisaanermut pingaarutilimmik isumaqatigiittoqarnissaata piviusunngornissaa sillimaffigalugu Parisimi isumaqatiginninniarnernit sioqqullugit Naalackersuisut Nunatta inissisimanissaa pillugu erseqqissumik pilersaarusioreersimappat?
- 10) Taama iliortoqarsimangippat sooq taama iliortoqarsimangila, taamalu iliortoqarsimappat qanoq iliortoqarpa?

## **Tunngavilersuut:**

Naalakkersuisut augustimi 2012-mi "Danskit naalakkersuisui Naalakkersuisullu Naalagaaffiit Peqatigiinni silap pissusia pillugu isumaqatigiissut pillugu nunat tamalaat isumaqatiginninniarnernannut suleqatigiinnissamut isumaqatigiisummik" atsiugaqarput. Isumaqatiginninniarnernit pillugit Nunatta paasissutissanik pisarnissaa peqataatinneqartarnissaalu isumaqatigiissutip siunertaraa. Taamaammat naatsorsuutigisariaqarparput Naalakkersuisut Parisimi isumaqatigiissusiortoqarneranut COP21-mullu tunngatillugu Nunatta peqataatinneqarnissaa danskillu naalakkersuisuinik qanimut suleqateqarsimanissaa qulakkeersimassagaat. Naatsorsuutigilluinnarparpummi isumaqatigiissut 2012-meersoq suli atuussimassasoq.

Naalakkersuisut danskillu naalakkersuisuisa Parisimi isumaqatiginninniarnernit pillugit naliliineranni Nunatta Danmarkillu qanorpiaq Nunarput pillugu anguniagaqarsimanerat erseqqinngilaq. Inuit Ataqatigiinnit tamakkua akissutissarsiumallugit § 37 tunngavigalugu apeqquteqaatinik Naalakkersuisunut nassiussivugut. Kissaatigaarput erseqqissumik Nunatta Parisimi isumaqatigiissut pillugu inissisimanagera nassuiarneqassasoq.

Ullut suliffiusut qulit qaangiutsinnagit akissutissarsisimanissaq qinnutigissavara.